

Na prijedlog Tužilaštva svjedočio istražilac SIPA Smajlović snimljen kako uzima 1.000 eura

Optuženi je uzeo kovertu i stavio je u džep sakoa, ali nije objašnjeno zbog čega mu se daje novac i ko je pošiljalac
• Razgovori i poruke sa Robertom Iličićem

U Sudu BiH jučer je nastavljeno suđenje Muji Smajloviću, istražiocu Tužilaštva BiH, protiv kojeg je isto tužilaštvo krajem prošle godine podiglo optužnicu za uzimanje mita u iznosu od 20.000 KM od optuženih ili osuđenih osoba kao naplatu za protuusluge ili, jednostavnije rečeno - odavanje informacija osobama iz krim-miljea. Na prijedlog Tužilaštva BiH, jučer je svjedočio istražilac Agencije za istrage i zaštitu (SIPA), koji je Sudu prezentirao posebne istražne radnje koje je ova institucija vodila protiv optuženog.

Tajno praćenje

- Istragu, odnosno akciju smo nazvali Druker. Osumnjičene smo snimali, koristili informator, ali i tajno ih pratili, kazao je svjedok čiji je identitet, na molbu tužioca Džermine Pašića, bio zaštićen.

Swjedok je gotovo dva i po sata čitao sadržaj SMS poruka između Smajlovića, narkodilera iz Hrvatske Roberta Iličića, zvanog Robac, te Ane, sestre Davora Jurkovića, zvanog Ganfo, više puta osudivanog kriminalca. Također, pušteni su i audio te videosnimci susreta pomenutih osoba, te Zdravka Jurkovića, također dilera i informatora Robot.

Tako se Smajlović 1. jula 2014. godine sastao sa Zdravkom Jurkovićem i licem K1 u kafiću Office for you by Tony. U presretnutim razgovorima, optuženi je najviše komunicirao sa Iličićem. Jedne prilike, Iličić je pozvao Smajlovića, te dao mu da razgovara sa informatorom Robot (koji je u ovom slučaju trebao biti posrednik između njih dvojice).

Jedne prilike su se i sreli, a informator je Smajloviću dao u koverti čestitku za blagdane u kojoj je bilo 1.000 eura, što se sve vidjelo na snimcima. Nije objašnjeno zbog čega se Smajloviću daje novac i ko je pošiljalac.

Dok mu daje kovertu, informator govori Smajloviću "da mu je to poslala njegova žena za blagdane". Optuženi je uzeo kovertu i stavio je u džep sakoa. Informator je na jednom snimku imao kameru sakrivenu u kaputu, jer je saradnik u istrazi koja se vodila protiv Smajlovića. Informator je u ovom slučaju, prikriveni istražilac.

Informator


Tokom jednog razgovora, Iličić je obavijestio Smajlovića "da je Natalija Petković, koja je tužiteljica u Splitu, razgovarala sa tužiocem i šefom Odjela za organizovani kriminal Tužilaštva BiH u vezi s prebačajem njegovog predmeta", a u sljedećem razgovoru njih dvojica dogovaraju susret "oko nekih stvari". Iličić ga je zamolio da se pobrine oko toga. Kasnije se Smajlović ponovo čuje telefonom sa informatorom te dogovaraju susret i to u neposrednoj blizini Suda BiH. Na ovom snimku se razgovor slabo čuje. Naredni pretres zakazan je za 5. april, kada će se saslušati informator Robot i Anita Peco.

E. GODINJAK-PRUSAC

Zahvalnica

Interesantno je da je Smajlović važio za jednog od najboljih istražilaca u Tužilaštvu BiH. On je dobio i zahvalnicu sa još ne-

koliko kolega za svoj angažman u slučaju procesuiranja Mevlida Jašarevića. Ali, kako stoji u optužnici, Smajlović je od 2012. pa sve do početka 2015, bez znanja i dozvole tužioca, stupao u kontakt sa optuženima ili osuđenima, te prilikom tih susreta od njih preuzimao različite iznose novca, kao i poklone.



Page: 9

Reach: 0

Country: BOSNIA AND HERZEGOVINA

Size: 476 cm2

2 / 2



Mujo Smajlović radio je na velikom broju istraga

Vlado Adamović brani Smajlovića